

بسم الله تبارك وتعالى
قصة النبي يوسف (سلامه اعلينا)
سفر التكوين
الفصل سبعة وثلاثين إلى الفصل خمسين

بركة النبي يوسف

حلم النبي يوسف بسبب الغيرة عند اخوتو

¹واسكن النبي يعقوب فارض كنعان بل امنين كان بوه النبي إسحاق متغرب. ²وهادي هي امردة النبي يعقوب.

فالوقت اللي كان فيه يوسف اصغير عندو 17 سنة امشا يسرح لغنم امع اخوتو اللي أولاد بلهة وزلفة اعليات بوه النبي يعقوب. وپام يوسف وبلغ بوه النبي يعقوب بلامور اللي ماهي زينة اللي يعدلو اخوتو. ³وكان النبي يعقوب اللي هو إسرائيل يبغي يوسف أكثر من أولادو لخرين بيهلي يوسف جبرو وهو شيباني وخيط النبي يعقوب ليوسف لبسة مميزة. ⁴والين افطنو اخوتو اعلن النبي يعقوب يبغي يوسف أكثر منهم كرهوه وعادو يكلولولو لكلام الخاسر يوم عاكب يوم.

⁵واحلم يوسف حلم وردو اعلى اخوتو وبسبب ذاك كرهوه حته. ⁶وपालهم: اسمعو ذا الحلم اللي احلمتو، ⁷أنا شفت فالحلم اعلنا نحزمو شي من اعراش الپمح فالحرث وشفتم حزمتي پامت ووكفت وازكنو بيها احزمكم وسجدولها. ⁸وपालولو اخوتو: انتا معناه اعلنك اتدور اتسودنا وللا تملك اعلينا؟ وكرهوه حته بسبب أحلامو واكلامو.

⁹واحلم يوسف حلم اوخر وردو اعلى اخوتو وपालهم: احلمت حلم اوخر وشفتم فيه اعلن الشمس والقمر و 11 نجمة سجدولي. ¹⁰ورد الحلم اعلى اخوتو واعلى بوه. ونصحو بوه وपालو: ذا الحلم اللي احلمتو شنهو؟ انتا شاك اعلني أنا وأمك واخوتك لاهي انجوك ونسجدولك؟ ¹¹وحسدوه اخوتو يغير بوه النبي يعقوب لم هاذا لكلام فكلبو.

¹²وعاكب ذاك امشاو اخوتو اياك يسرحو اغنم بوههم اكريب من مدينة شكيم. ¹³وعاكب فترة من الزمن پال النبي إسرائيل ليوسف: اخوتك مالهم يرعاو لغنم فشكيم؟ وهاي اياك انمشيك شورهم. وपाल يوسف: اراعييني.

14 وڳال النبي يعقوب: امشي واعرفلي اخبار اخوتك واخبار لغنم وارجلي واعطيني اخبارهم. وامشا يوسف من واد حبرون يلين شكيم. 15 واجابر امعاه راجل جبرو ذاهب فالحرث وسوّلو: انتا اتلود لمن؟ 16 وڳالو يوسف: آنا اتلود لخوتي، حڳلا ڳوّلې بل امنين يسرحو اغنمهم؟ 17 وڳال الراجل: هو ما امشاو من هون واسمعتهم يڳولو: وهاو نمشو شور دوثنان. واتلب يوسف اثر اخوتو يلين اجبرهم فدوثنان. 18 والين شافوه من ابعيد وسابڳ يڳرب منهم اتامرو اعليه اياك يكتلوه. 19 وڳالو امبيناتهم: اراعي صاحب لأحلام جاي. 20 وهاو نكتلوه ونزرڳوه فواحد من هاډو الحسيان وانڳولو اعلن كالو حيوان لخلا وانشفو يكان أحلامو لاهي يوافو؟ 21 والين اسمع رأوبين اكلامهم اختر يسلكو وڳال: ما نكتلوه 22 لا اتسيلو الدم، يغير زرڳوه فهاډا الحاسي اللي فالخلوات ولا اتمدولو ايديكم بالخاسر. رأوبين اقترح ذاك بيهلي كان يدور يجبر طريقة يسلكو بيها منهم ويرجعو لبوه. 23 والين جا يوسف لخوتو فسخولو لبستو المميزة. 24 وڳبظوه وزرڳوه فالحاسي وكان الحاسي ما فيه الما.

25 والين ڳعدو اياك يوكلو الطعام شافو من ابعيد رفڳة من أولاد إسماعيل جاية من جلعاد ماشين واعدين مصر واجمالهم امحلة من لبهارات وأنواع من العلك وأنواع من الزيوت للعلاج. 26 وڳال يهوذا لخوتو: شنهې الفايده من اكتيل خونا و انسيلو دمو؟ 27 وهاو انبيعهو لأولاد إسماعيل وانبرأو ايدينا من دمو بيهلي هو خونا ومن لحمنا، ووافقهو اخوتو اعلى ذي الفكرة. 28 والين ڳربو منهم أولاد إسماعيل اللي كانو تجار من مديان، ڳامو اخوت يوسف ووخظه من الحاسي وباعو هلهم بعشرين ڳطعة من الفضة وامشاو التجار بيوسف شور مصر. 29 وعاڳب فترة من الوقت، جا رأوبين للحاسي اياك يسلك يوسف. والين ما جبرو أشيان عندو ذاك وشطط الباسو بيه الحزن. 30 وارجع رأوبين شور اخوتو يڳول: الطفيل ما هو فالحاسي! وآنا ظرك سلاهي انڳول لبوي؟ 31 وڳبظو اخوت يوسف لبستو المميزة وذبحو عتروس وغمسو لبسة يوسف قدم العتروس 32 وامشاو بلبسة يوسف شور بوهم النبي يعقوب وڳالولو: نحنا اجبرنا هاډي اللبسة. و خرص يكانها لولك يوسف وللا ابدي؟ 33 وشاف النبي يعقوب اعلن هاډي اللبسة هي ليوسف

وڪالهم: هاذي اللبسة لولي. وحش من الخلوات انتش من لحمو وڪالو.
34 وڪدر النبي يعقوب من هاذا الخبر وشطط الباسو والبس الباس التعزية
وابڪا ياسر من لأيام اعلى يوسف. 35 وإلین جاو أولادو ڪاملین ایاك یعزوه
ابالهم وڪالهم: أنا لاهی نبکی إلى يوم موتي اعلى ولي يوسف. وابڪا النبي
يعقوب اعلى يوسف. 36 وباعو تجار الإسماعيلین يوسف فمصر لفوطيفار
ضابط لفرعون ورئيس الحرس.

بركة النبي يوسف

يهودا يضيع شرف تamar

¹واخلك فذيك الساعة عن يهوذا اتفرك عن اخوتو واسكن عند راجل من عدلام اسمو حيرة. ²وشاف فم منت راجل كنعاني اسمو شوع واتخيم امعاها. ³وحملت منو وخلاتلو اطفيل سماه عير. ⁴وحملت مرة اخرا وخلات اطفيل وسماتو أونان. ⁵و عاكب ذاك حملت مرة اخرا اطفيل وسماتو شيلة وكان يهوذا فمدينة كزيب وقت اخلاكة ولو.

⁶واكبظ يهوذا لبكرو عير امرة اسمها ثamar. ⁷وبيهلي عير كان إنسان شرير، كتلو الله تعالى. ⁸وكمال يهوذا لأونان: ادخل شور اعيال خوك واتكي امعاها وعدل لخوك نسل اياك يزيد اسم عير خوك اللي اتوفا. ⁹واعرف أونان اعلن النسل ماهو لاهي يعود لو وكان كل مرة يتكي امع اعيال خوه يصب منيه على التراب اياك ما يعدل لخوه نسل. ¹⁰وكانت شغلتنو هاذي ماهي زينة فعينين الله تعالى وكتلو املي. ¹¹وكمال يهوذا لثamar انسيتو: خليك أرملة فدار بوك يلين يكبر ولي شيلة. وكمال يهوذا امبينو امع راصو: ما اندور يموت شيلة كيفما ماتو اخوتو. وامشات ثamar وابكات فدار بوها. ¹²وعاكب فترة من الزمن اطويلة ماتت اعيال يهوذا اللي هي منت شوع. وإلين اوفات التعزية امشا يهوذا شور الرواكيح اللي كانو يزرو غنمو فتمنة وامعاه صاحبو حيرة العدلامي. ¹³وانكال لثamar: اراعي انسيبك جاي لتمنة اياك يزرو غنمو. ¹⁴وكماتت وفسخت الباس لأرملة وغطات اوجهها اياك تتخفا عليه وكعدت عند مدخل عينايم اللي اعلى طريقك تمنة بيهلي عرفت اعلن شيلة اكبر وماهم لاهي يخيموها امعاه. ¹⁵والين شافها يهوذا شك اعلنها امرة سفيهة بيهلي كانت امغطية اوجهها.

¹⁶وصد شورها فزر الطريق وكمال: خليني انعاشرك. ولا كان شاك اعلنها انسيتو. وکالت: شلاهي تعطيني اياك انعاشرنی؟ ¹⁷وكمالها: لاهي انمشيلك

اجدي من غنمي. وپالتلو: مندر ا يكانك لاهي تعطيني شي ترهن بيه يلين
اتمشيلي اجديك؟¹⁸ وسولها: شنهى الضمانة اللي تبغي نعطيك؟ وپالتلو:
خاتمك واپلادتك ودبوسك اللي رافدهم. واعطاها ذاللي طلبت وعاشرها
وحملت منو.¹⁹ وعاكب ذاك كامت وامشات وكشحت عن اوجهها ولبست
الباس لأرملة.

²⁰والين مشا يهوذا اجدي امع صاحبو العدلامي اياك يكبظ ذاللي ارهن بيه
من عند لمرة، ما اجبرها.²¹ وسول الرجالة اللي ساكنين فم: وينهي لمرة
السفيهة اللي كانت كاعدة اعلى الطريق فعينايم؟ وپالو: ما كانت هون فذي
لبليدة أي امرة سفيهة.²² وارجع شور يهوذا وپالو: ما ريتها وپالولي أهل
ذيك لبليدة: هون ما كانت فيه أي امرة سفيهة.²³ وپالو يهوذا: خليها تحكم
ذاللي عندها، أنا ما اندور يجوقو الناس في. أنا حاولت انمشي هاذا اجدي
اياك انخلصها يغير انتا ما اجبرتها.

²⁴وعاكب 3 اشهر انكال ليهوذا: انسييتك ثامار هي ازناات وحملت. وپال
يهوذا: مريكوها اياك تنحرك بالنار.²⁵ والين وخطوها مشات لانسييها
وپالت: أنا احملت من صاحب هاذو لأشياء. اتحقق لمن هاذا الخاتم وهاذي
لكلادة والدبوس؟²⁶ واعترف يهوذا اعلن هاذو لأشياء لو وپال: هي أصلح
مني بيلى ما عرستها من ولي شيلة. ولهاذا السبب ما كط عاشرها يهوذا
عاكب ذاك.

²⁷والين ابرات جبرو اعلن فكرشها اتواما.²⁸ ووقت بريها وخط واحد من
اتريكتها ايدو وحزمت فيه لولادة شرويطه حمرة وپالت: هاذا خاظ هو
لأول.²⁹ يغير هو رجع ايدو وخط خوه وپالت: شنهى ذي الوخطة اللي
خظت؟ وأسما فارص اللي معناها الوخطة.³⁰ وعاكب ذاك خاظ خوه وايدو
محزومة بشرويطه حمرة وأسما زارح.

بركة النبي يوسف

النبي يوسف يحفظ شرفو

¹وامشاو الإسماعيلين بيوسف شور مصر واشراه من عندهم مصري اسمو فوطيفار ضابط لفرعون ورئيس الحرس. ²وكان الله تعالى امع يوسف وانجح فشغلنو واسكن دار شيخو المصري. ³وشاف المصري اعلن الله تعالى كان امع يوسف واعلنو ينجح فكل شي يعدلو. ⁴وارضا اعليه شيخو وعدلو الوكيل فدارو وعدلو المسير لأملاكو كامل. ⁵وبارك الله تعالى دار المصري وكل اللي عندو من أملاك فالدار والحرث بفضل يوسف. ⁶وودع أملاكو كامل ليوسف ولا اتلا فوطيفار مشغول يكون باوكيل اطعمو بيهلي يوسف اهتم بكل شي.

وكان يوسف هيئتو زينة ووجهو زين ⁷ولا ابطات يلين اشتهاو اعيال شيخو وكالت: اتكي امعاي. ⁸وأبا وكالها: أنا شيخي ودعلي ذا كامل اللي عندو فهاذي الدار ولا اشغل نفسو بأي شي فيها. ⁹وهاذي الدار ما فيها حد أعظم مني، ولا امنع عني شي يكون انتي بيكلي اعيالو. وابسيمحالة أنا انعدل هاذا الشر العظيم وانعدل ذنب فحق مولانا؟ ¹⁰وأبا عنها يوسف امع اعلنها كانت اتلح اعليه يوم عاكب يوم. ¹¹واخلك فواحد من النهارات اعلن يوسف ادخل الدار اياك يعدل شغلنو ولا كان فالدار أي حد من لعبيد، ¹²وكردتو اعيال فوطيفار من لباسو وكالت: اتكي امعاي! وخلا لباسو امعاها واهرب الكدام. ¹³والين شافت اعلنو أبا واهرب الكدام وخلا لباسو فايديها، ¹⁴عيطت لهل دارها وكالتلهم: خرصو ذاللي اخلك! هاذا العبراني اللي جابلي مولا خيمتي فالدار ادخل شور بيتي وحاول يغتصبني وازكيت الفوك. ¹⁵والين اسمعني ركبت حسي وازكيت، خلا لباسو امعاي واهرب الكدام. ¹⁶وخلات لباسو احذاها يلين ارجع مولا خيمتها للدار. ¹⁷وردت اعليه نفس لمردة وكالت: ادخل لعبد العبراني اللي جبتنا شور بيتي اياك يغتصبني ¹⁸والين

رکبت حسي وازکيت خلا لباسو فزري واهرب الکڊام.
19والين اسمع شيخو اکلام اعيالو ذاللي اتهمت بيه يوسف، انفکع اعليه.
20واحکم يوسف ودخلو فالحبس امع امحابيس الملك. 21يغير الله تعالى کان
امع يوسف واعطاه ياسر من الخير. وارضا اعليه مسؤول لكبير اللي اعلى
الحبس. 22واعطاه المسؤولية اعلى لمحابيس کاملين وعدلو مسؤول عن ذا
کامل اللي يخلک فالحبس. 23وکلف مسؤول الحبس يوسف بكل شي بيهلي الله
تعالى کان امعاه وذاك کامل اللي عدل يوسف ينجحو الله تعالى.

بركة النبي يوسف

النبي يوسف يفسر أحلام لمحابيس

¹ وعاكب ذاك اخلك اعلن مستشارين اللي هوما سكاى الملك وخبازو عدلو شي خاسر لشيخهم ملك مصر. ² وانفكع فرعون اعلى رئيس السكاية ورئيس الخبازة ³ ودارهم فحبس دار رئيس الحرس فلبليدة اللي كان يوسف محبوس فيها. ⁴ ووصا رئيس الحرس يوسف اياك يهتم بيهم. ⁵ وعاكب انهارات اشوي احلم فنفس الليلة كل من سكاى الملك وخبازو اللي فالحبس وكان حلم كل واحد منهم معناه الخاص. ⁶ وجاهم يوسف امع الصباح واجبرهم ما هم متمونكين. ⁷ وسولهم: انتوما ذاللي امكدر اعليكم شنهو؟ ⁸ وكالولو: كل واحد منا احلم حلم ولا امعانا حد يفسر هملنا. وكال يوسف: امال تفاسير لأحلام خاصين بمولانا؟ ردوهم اعلي.

⁹ ورد رئيس السكاية حلمو اعلى النبي يوسف وكال: شفت فحلمي صدراية عنب كدامي ¹⁰ فيها 3 اعراش والين اطلع اوركهم خاظ منهم نوار ولا ابطاو لعراش يلين خاظ منهم عنب طايب. ¹¹ وفذا كانت كاس فرعون فايدي واكيطت العنب واعصرتو فكاس فرعون واطرحت الكاس فايدو. ¹² وكالو النبي يوسف: راعي هاذا هو تفسير حلمك، 3 اعراش هوما 3 أيام. ¹³ وعاكب 3 أيام لاهي يرضا اعليك فرعون ولاهي يرجعك شور شغلتك بل امنين تسكي فرعون كيفما كنت اتعدل سابك ذا. ¹⁴ يغير يلين يخلك ذا لا تنساني واحسن اعلي اذكرني عند فرعون ووخظني من هاذا الحبس ¹⁵ بيلى آنا جابوني من ارض العبرانيين وهون ما عدلت شي خاسر اياك يديروني فهاذا الحبس.

¹⁶ والين شاف رئيس الخبازة اعلن النبي يوسف فسر الحلم بتفسير زين كالو: أنا املي شفت حلم اعلن 3 اطباك من امبورو فوك راسي. ¹⁷ وكان الطبك الفوكاني املان من ياسر من أنواع لكسور اللي يعدلهم الخباز

لفرعون. يغير كانوا الطيور يوكلوهم من فوق الطباكي اللي فوق راسي.
18 وكمال النبي يوسف: راعي تفسير حلمك! لطباكي 3 هو ما 3 أيام. 19 وعاكب
3 أيام لاهي يقطع فرعون راسك ولاهي يعلبك اعلى خشباية ولاهي يوكلو
الطيور لحمك.

20 وكان اليوم 3 هو يوم عيد ميلاد فرعون وعدل ندوية لرجالتو كاملين
وجاب من الحبس رئيس السكاية ورئيس الخبازة ووكفهم كدامو. 21 ورجع
رئيس السكاية لشغلتنو وارجع يكدم الكاس لايد فرعون. 22 يغير رئيس
الخبازة علكو اعلى خشباية كيفما فسرلهم النبي يوسف أحلامهم. 23 يغير
رئيس السكاية ما اذكر النبي يوسف لفرعون وانسا اخبارو.

بركة النبي يوسف

النبي يوسف يفسر حلم فرعون

¹وعاكب ذا بسنتين من الزمن احلم فرعون حلم. وشاف فيه راصو، وهو واكف احذا نهر النيل. ²وفذا شاف 7 بكيرات شكلهم زين واسمانات واخطو من النهر وعادو يسرحو فالربيع. ³وفذا شاف 7 بكيرات اخرات شكلهم شين واضعيفات طلعو اوراهم من النهر ووكفو احذا البكرات لخرات اعلى زر النهر. ⁴وكالو البكرات الشوينات والضعيفات ذوك البكرات 7 اللي شكلهم زين واسمانات. وفذا او عا فرعون.

⁵واركد واحلم مرة ثانية وفذا شاف 7 سنابل من الكمح نابتين فعرش واحد زينين واملانين من الكمح. ⁶وعاكب ذاك شاف 7 سنابل يابسين حركتهم ريح الشرق نبتو اوراهم، ⁷وصرطو السنابل اليابسين ذوك 7 اللي املانين من الكمح. واو عا فرعون واعرف اعلنو كان يحلم.

⁸والين عاد امع الصباح كان فرعون ماهو متمونك وكام ومشا لرجالتو كاملين اللي يفسرو لأحلام فمصر والناس الحكماء كاملين ورد اعليهم حلمو ولا اجبر حد يفسرلو.

⁹وعاكب ذاك كال رئيس السكايه لفرعون: أنا اليوم متذكر اذنوبي. ¹⁰يلين انفكع فرعون اعلى اعبيدو احبسني أنا ورئيس الخبازة فحبس دار رئيس الحرس. ¹¹واحلم كل واحد منا حلم فنفس الليلة وكان تفسير كل حلم يتوافق امع ذا اللي اخلك لصاحبو. ¹²وكان امعانا فم شاب عبراني عبد لرئيس الحرس وردينا اعليه أحلامنا وفسر لكل واحد منا حلمو. ¹³وذاللي فسرلنا هو اللي اخلك عاكب ذاك، ورجعني فرعون لشغلتي ورئيس الخبازة علكو اعلى خشباية. ¹⁴ومشا فرعون وعيط للنبي يوسف. وامشاو الجنود وجابوه بالعجلة من الحبس واحلقولو راسو وبدلو الباسو ووكفوه كدام فرعون. ¹⁵وكال فرعون للنبي يوسف: أنا شفت حلم ولا اجبرت حد يفسرولي، واسمعت

اعلنك يلين تسمع حلم اتكد اتفسرو. ¹⁶ وكمال النبي يوسف: أنا ما عندي الفضل فهذا يغير مولانا هو اللي لاهي يعطي لفرعون التفسير لحلمو. ¹⁷ وكمال فرعون للنبي يوسف: شفت راصي فالحلم وأنا واكف اعلى زر النهر. ¹⁸ وفذا 7 بكرات شكلهم زين واسمانات واخضو من نهر النيل وعادو يسرحو فالربيع. ¹⁹ وفذا شفت 7 بكرات اخرات شكلهم شين واضعيفات طلعو اوراهم من النهر، ولا كط شفت فارض مصر كاملة شي يشابلهم فاشوين. ²⁰ وكالو البكرات الشوينات والضعيفات ذوك 7 بكرات لأولات اللي اسمانات. ²¹ وامع اعلنهم سرطوهم تمو الا اضعيفات كيفلي ما كالوهم وتمو الا اشوينين كيفما كانو. وفذا وعيت. ²² وشفت فحللي الثاني 7 سنابل زينين واملانين من الكمح نابتين فعرش واحد. ²³ وفذا شفت 7 سنابل يابسين حركتهم ريح الشرق نبتو اوراهم، ²⁴ وصرطو السنابل اليابسين السنابل لملانين. وعاكب ذاك أنا رديت اعلى السحرة ذوك لأحلام لأثنين ولا اجبرت امبينهم أي أركاج يفسر هملي.

²⁵ وكمال النبي يوسف لفرعون: أحلام فرعون هوما عندهم تفسير واحد ومولانا نعت لفرعون ذاللي ناوي يعدل. ²⁶ البكرات الزينات 7 هوما عبارة عن 7 سنوات وسنابل الزينين 7 هوما املي عبارة عن 7 سنوات والحلمين هوما عندهم تفسير واحد. ²⁷ والبكرات الشوينات الضعيفات 7 اللي طلعو اوراهم هوما 7 سنوات وسنابل الفارغات 7 المحروكين بريح الشرق لاهي يعودو 7 سنوات من الجوع. ²⁸ ولاهي يخلك ذاللي كلت لفرعون بيهلي مولانا نعت لفرعون ذاللي ناوي يعدل. ²⁹ لاهي يجو 7 سنوات من التمانكت حته لارض مصر كاملة. ³⁰ ولاهي يتلبوهم 7 سنوات من الجوع يلين ينساو الناس التمانكت اللي جات لارض مصر ولاهي اتخسر المجاعة لارض. ³¹ ولاهي يضيع كل اثر التمانكت فلارض بسبب ذيك المجاعة اللي تتلبو بيهلي لاهي اتعود امتينة حته. ³² واتكرر الحلم اعلى فرعون مرتين بيهلي هاذي ارواية قدرها مولانا ولابد من تخلك بالعجلة. ³³ وظرك يالة فرعون يلود لراجل قادر اعلى حسن التدبير وحكيم يوليه اعلى هاذي لارض. ³⁴ ويالة يدير فرعون مراقبين اعلى ارض مصر اياك يكبضو خمس لرباح فسنوات التمانكت 7. ³⁵ ويجمعو الطعام كامل فسنوات الخير اللي جابين

ويخزنو الكمح بأوامر فرعون ويلموه فالمدن اياك يعود الطعام فالمخزن³⁶ وزاد لأهل مصر فسنوات المجاعة 7 اللي لاهي اتسود اعلى ارض مصر اياك ما يهلكو بالجوع.

³⁷وازيان هاذا لكلام عند فرعون ورجالتو. ³⁸وكمال فرعون لضباطو: مندر ايكانا انكدو نجبرو حد يشابه لهاذا الراجل اللي فيه روح مولانا؟
³⁹وعاكب ذا كمال فرعون للنبي يوسف: بيهلي مولانا نعتلك هاذا كامل، ولا خالك حد قادر اعلى حسن التدبير وحكيم كيفتك،⁴⁰ لهاذا السبب عينتك حاكم اعلى مملكتي، ولاهي يعدل شعبي ذاك كامل اللي اتكولو ولا هو لاهي يعود أعظم منك يكون أنا صاحب العرش. ⁴¹وعاكب ذاك كمال فرعون للنبي يوسف: اراعيني درتك مسؤول اعلى ارض مصر كاملة. ⁴²واكلع فرعون خاتمو من ايدو ودارو فايد النبي يوسف ولبسو بالباس من الكتان الغالي ودار فركتبو اكلادة من الذهب. ⁴³وركبو فالمركة الثانية اللي اوراه. وعيطو جنود فرعون وكمالو للناس: اركعو كدامو! وعينو فرعون حاكم اعلى ارض مصر كاملة. ⁴⁴وكمال فرعون للنبي يوسف: أنا هو فرعون وأنا أمر اعلن ما يعدل حد أي شي فارض مصر من دون إذنك. ⁴⁵وسما فرعون النبي يوسف باسم صفات فعنيح وخيمو امع أسنات منت فوطيفارع كاهن فمدينة أون، وعادت سلطة النبي يوسف اكبيرة فارض مصر كاملة. ⁴⁶وكان النبي يوسف عندو 30 سنة وقت تعيينو حاكم اعلى مصر. وعاكب يلين امشا من حضرة فرعون عاد يسافر فارض مصر كاملة. ⁴⁷وفسنوات التمانكت 7 نبتت لارض ياسر من اصدر. ⁴⁸واجمع النبي يوسف الطعام كامل الموجود فارض مصر لمدة ذوك سنوات 7 وخزنو فالمدن لحبوب اللي جاين من لحراث اللي احذاهم. ⁴⁹وخزن النبي يوسف كميات اكبار من الكمح يلين وكف عن حسبتهم بيهم الكثرة.

⁵⁰وخلات أسنات منت فوطيفارع كاهن أون للنبي يوسف ولين سابك يجو سنوات الجوع. ⁵¹وسما النبي يوسف البكر منسى اللي معناه اللي خلاني ننسا وكمال: بيهلي مولانا نساني صعوباتي كاملين و أهل دار بوي كاملين. ⁵²والثاني سماه أفرايم اللي معناه اللي يثمر بضعف وكمال: بيهلي مولانا عداني مثمر فلارض اللي انهنت فيها.

⁵³وعاكب ذاك اوفاو سنوات التمانكت 7 اللي اعلى ارض مصر ⁵⁴وجاو
7 سنوات المجاعة كيفما كمال النبي يوسف وخلكت مجاعة فكل البلدان يغير
ارض مصر كان الطعام فيها امعرم. ⁵⁵والين جات المجاعة اعلى ارض
مصر كاملة كيام الشعب يعيط اعلى فرعون يدورو الطعام. وكمال فرعون
للمصريين كاملين: كيسو يوسف وعدلو ذاللي يبولكم كامل. ⁵⁶وامتانت
المجاعة اعلى ارض مصر كاملة وافتح النبي يوسف المخازن وباع الطعام
للمصريين يغير المجاعة امتانت فارض مصر. ⁵⁷وجاو أهل المدن لخرين
لمصر شور النبي يوسف اياك يشرو الكمح بيهلي المجاعة كانت امتينة
فلارض كاملة.

بركة النبي يوسف

النبي يوسف يعطي لخوتو الطعام فمصر

¹والين اسمع النبي يعقوب اعلن الكمح امعرم فمصر كمال لأولادو: مالكم كاعدين تتخازرو؟ ²أنا اسمعت اعلن الكمح امعرم فمصر، امشو شورها واشرونا الكمح اياك نيكاو حيين ولا انموتو. ³وامشاو 10 من خوت النبي يوسف يشرو الكمح من مصر. ⁴يغير بنيامين خو النبي يوسف ما مشاه النبي يعقوب امع اخوتو خايف يخلكلو شي. ⁵وجاو أولاد النبي إسرائيل اللي هو يعقوب لمصر امع القبائل لخرين الجايين اياك يشرو الكمح بيهلي المجاعة كانت امتينة فارض كنعان املي.

⁶وكان النبي يوسف هو اللي حاكم اعلى مصر والمسؤول عن بيع الكمح لأهلها كاملين، وجاو اخوتو وسجدولو. ⁷والين شافهم اعرفهم يغير هو غبا راصو عنهم وخاطبهم بكلام نشفان وسولهم: من امنين جايين؟ وكالولو: من ارض كنعان اياك نشرو الطعام. ⁸وامع اعلن عن النبي يوسف اعرفهم هوما ما عرفوه. ⁹وفذا اتذكر النبي يوسف أحلامو اللي احلمها عنهم وكالهم: انتوما جواسيس وجيتو اياك تكتشفو نقاط الضعف اللي ما هم محمين فارضنا. ¹⁰وكالولو: ابدي نحنا اعبيدك جينا اياك نشرو الطعام. ¹¹نحنا كاملين أولاد راجل واحد، وامناء ولانا جواسيس.

¹²يغير هو كالهم: ابدي انتوما جيتو اياك تكتشفو نقاط ضعفنا. ¹³وكالولو: نحنا اعبيدك، 12 خو أولاد راجل واحد ساكنين فارض كنعان وخونا الصغير ابكا عند بونا وخونا لوخر واقد. ¹⁴وكالهم: ارواية هي كيفما كتلكم. انتوما جواسيس. ¹⁵وانحلف اعلى حياة فرعون اعلنكم مانكم لاهي تمشو من هون ما فتو جبتو خوكم الصغير وبذك الطريقة تثبتو اعلنكم كايلين الحك. ¹⁶مشو واحد منكم اياك يجيبلي خوكم الصغير والباكين لاهي بيكاو هون فالحبس يلين تثبت صحة اكلامكم. والين اتعودو ما كلتو الحك، حالف بحياة

فرعون اعلنكم حڪ جو اسيس. ¹⁷ ودخلهم فابلد فالحبس مدة 3 أيام. ¹⁸ وفاليوم الثالث كآلهم: عدلو ذاللي كآلكم اياك تحياو بيلى آنا راجل يتقا مولانا. ¹⁹ إلى عتو فالحقيقة صادقين خلو واحد منكم بيكا رهينة فالوقت اللي يكيظو لخرين الكمح ويكيسو ادياركم اللي جيعانين ²⁰ يغير امشو جيبولي خوكم الصغير اياك نتحقق من صدقكم. وعدلو ذاللي كآلهم. ²¹ وكآلو امبيناتهم: فالحقيقة نحنا عدلنا شي خاسر لخونا، نحنا شفنا ضيقتو فوقت يلين اطلبنا الرحمة ولا اسمعنالو، ولذاك جاتنا هاذي الضيقة. ²² وكآل رآوبين: امالي كآلكم لا اتمسوه ولا اسمعتوني؟ واراينا ظرك نحنا مطالبين بدمو. ²³ ولا كانو عالمين اعلن النبي يوسف فاهم اكلامهم بيهلي كان يتكلم امعاهم عن طريق مترجم. ²⁴ وامشا عنهم وكآم بيكي وعاكب ذاك ارجلهم واتكلم امعاهم وفالنهاية اكيظ شمعون وكآفو كدام عينيهم. ²⁵ وأمر النبي يوسف اشغايلاو يملاولهم از كاييهم من الكمح ويرجعو فظة كل واحد منهم فازكيبتو ويعطوهم زاد فاطريكهم. وعدلو اشغايلاو ذاللي كآلهم النبي يوسف. ²⁶ ورقدو احميرهم الكمح وامشاو من ارض مصر.

²⁷ وإلين وكفو اياك يباتو ليلتهم افتح واحد منهم ازكيبتو قبل امنين باتو اياك يوكل احمارو وشاف فظتو بيهلي كانت مديورة ففم الزكيبية. ²⁸ وكآل لخوتو: آنا فظتي رجعتلي. شوفو اراعيها فازكيبتلي. وخافو وانخلعو واتخارصو امبيناتهم وكآلو: ذاللي عدلنا مولانا شنهو؟ ²⁹ وإلين جاو لبوهم النبي يعقوب فارض كنعان ردو اعليه ذاللي اخلكلهم وكآلو: ³⁰ الراجل الحاكم اعلى مصر خاطبنا بنشاف وشك اعلنا جو اسيس اعلى لارض ³¹ وكآلنالو: نحنا ارواكيچ امناء ولانا جو اسيس. ³² نحنا 12 خو أولاد بونا وواحد منا واقد والصغير ابكا امع بونا فارض كنعان. ³³ وكآلنا الراجل شيخ الدولة : اياك نتحقق من اعلنكم كايلين الحك خلو واحد منكم عندي رهينة وامشو باطعامكم شور أهلكم اللي جيعانين. ³⁴ وجيبولي خوكم الصغير وبهاذي الطريقة نعرف اعلنكم مانكم جو اسيس واعلنكم ارواكيچ امناء ونطلسلكم خوكم واتعدلو تجارتكم فهاذي الدولة بكل حرية. ³⁵ وإلين بداو يكيو از كاييهم اجبر كل واحد منهم فظتو فازكيبتو وإلين شافو هوما وبوهم ذاك، خافو كاملين بيهم الفظة اللي جبرو فاز كاييهم. ³⁶ وكآلهم بوهم: انتوما احرمتوني من أولادي. ولي

يوسف واقد وشمعون واقد وارا عيكم انتوما امبعدين عني بولي بنيامين. هاذو
المشاكل كاملين طاحو اعلي. ³⁷ وپالو راوبين: اکتل اولادي يلين ما نرجع
بيه شورک ودعولي ولاهي انرجعولک. ³⁸ وپال: ولي ماهو لاهي يمشي
امعاکم بيهلي کط مات خوه وهو ابکا وحدو. والين يوقعلو شي فالطريک واعد
مصر، اتعودو نزلتو شيبی بحزن شور قبری.

بركة النبي يوسف

النبي يوسف يجبر خوه الصغير بنيامين

¹وامتانت المجاعة فلارض. ²والين فرقو الكمح اللي جابوه من مصر
 كالههم بوههم: ارجعو واشرو لنا الطعام. ³وكمال يهوذا: حذرنا الراجل تحذير
 امتين وكمال: مانكم لاهي اتشوفو وجهي يلين ما اتجيبو خوكم امعاكم. ⁴والين
 اتعود لاهي اتمشي خونا امعانا، لاهي نمشو ونشرو لك الطعام. ⁵إلى عاد
 ماهو ذاك، مانا لاهي نمشو بيهلي الراجل كالنا: مانكم لاهي اتشوفو وجهي
 يلين ما اتجيبو خوكم امعاكم. ⁶وكمال النبي يعقوب اللي هو إسرائيل: اعلاش
 عدلتولي شي خاسر وكلاتو للراجل اعلن عندكم خو اوخر؟ ⁷وكمالو: هو
 الراجل استجبونا حته عن روصنا وعن قبيلتنا وسولنا: مندرا يكان بوكم
 سالم؟ مندرا يكان عندكم خو؟ وجاوبناه اعلى أسئلنو. ونحنا ابسيمحالة لاهي
 نعرفو اعلنو لاهي يكلونا: جيبولي خوكم هون؟ ⁸وكمال يهوذا للنبي إسرائيل
 بوه: مشي اطفيل امعاي وانكومو ونمشو ونحياو ولا انموتو نحنا واننا
 وأولادنا كاملين. ⁹وأنا ضامنو ومن ايدي تطلبو. والين ما ارجعو وانوكفو
 كدامك انعود عدلتلك شي خاسر طول عمري. ¹⁰و لو كنا ما اتأخرنا فالسفر
 انعودو ارجعنا مرتين. ¹¹وكالههم بوههم: إلى عاد لابد من ذا عدلوه وكبظو
 امعاكم هدايا للراجل واملاو ازكاييكم من أحسن شي فارضنا، ونوعين من
 العلك ولعسل ولبهارات ولفستق واللوز. ¹²وكبظو امعاكم فظة اخرا والفظة
 اللي رجعت فقام ازكاييكم ورجعوهالو. لعلهم يعودو اسهاو. ¹³وامشو امعاكم
 بخوكم وكومو ارجعو للراجل. ¹⁴وينعم اعليكم مولانا القدير بالرحمة عند
 الراجل ويطلسلكم خوكم لوخر وبنيامين املي. والين يعودو لابدالهم من
 يضعيو اعلي اراهم يضعيو اعلي.
¹⁵وكبظو الرجالة الهدايا والفظة مرتين وخوهم وبنيامين وامشاو واعدين
 مصر ووكلفو كدام النبي يوسف.

16 وإلین شاف النبي يوسف بنيامين کال للعبد اللي مسؤول عن الدار: دخل
الرجالة شور الدار واذبح اذبيحة وجهزها بيهلي هاذو الرجالة لاهي يتغداو
امعای. 17 وعدل الراجل ذاللي کالو النبي يوسف ودخل الرجالة شور دارو.
18 وإلین أَدْخَلُو شور دار النبي يوسف مسهم الخوف وکالو: نحنا انجبنا هون
ایاک یهجمو اعلینا الجنود ویکردونا ویستعبدونا ویکبضو احمیرنا بسبب فظتو
لأولة اللي رجعت فازکایینا. 19 واتکدمو شور مسؤول دار النبي يوسف
وکالولو عند مدخل الباب: 20 اسمع یا شیخنا نحنا جینا هون فالمرة لأوله ایاک
نشرو الطعام. 21 یغیر یلین برکنا حیوانا فالخلوات وافتحنا ازکایینا اجبر کل
راجل منا فظتو كاملة فم ازکاییتو وجبناها امعانا ایاک انردوهاکم 22 وجبنا
امعانا فظة اخرا ایاک نشرو بیها الطعام ونحن ما نعرفو من دار فظتنا
فازکایینا. 23 وکالهم: عودو متمونکین ولا اتخافو بیهلي إلهکم وإله بوکم
اعطاکم کنز فازکاییکم وفظتکم وصلتلی. وعاکب ذاک وخطلهم خوهم
شمعون. 24 ودخل الراجل اخوت النبي يوسف شور دارو واعطاهم الما ایاک
یغسلو کرعیهم وشي من الحش لحمیرهم. 25 وعاکب یلین جهزو الهدایا
امحانین النبي يوسف یجي وقت الظهر بیهلي سمعو اعلنهم لاهي یوکلو
اطعام امعاه فدارو.

26 وإلین جا النبي يوسف لدار جابولو الهدایا اللي رقدوها امعاهم شور الدار
و سجدو کدامو. 27 وسولهم عن احوالهم وکال: مندر ا یکان بوکم اللي
خبرتونی عنو، صحتو زینة؟ مندر ا یکانو مزال سالم؟ 28 وکالولو: عبدک
بونا صحتو زینة وهو مزال سالم وسجدولو. 29 واتلفت النبي يوسف وشاف
خوه اشکیکو بنيامين وکال: هاذا هو خوکم الصغیر اللي خبرتونی عنو؟
وکال: ی نعم مولانا اعلیک یا ولی. 30 وادفع النبي يوسف شور بل خلوته وابکا
فم بیهلي عواطفو حنت لخوه. 31 ومن فم اغسل وجهو وخاظ واوفا من البکی
وکال: کدمو الطعام. 32 وکدمو لو الطعام وحدو ولخوتو وحدهم وللمصریین
اللي امعاهم وحدهم بیهلي احرام اعلى المصریین اعلنهم یوکلو امع
العبرانیین بیهلي ذاک عیب عندهم. 33 وکعدو کاملین کدامو بحسب اعمارهم
من لکبیر إلی الصغیر وكلهم خرص لوخر منبهرین. 34 وکدملهم حصص
من الطعام من طابلتو وكانت کرة بنيامين خمس مرات کمرعات اخوتو

وڪالو وشربو يلين شبعو.

بركة النبي يوسف

بنيامين يتهم بالسرقة

¹ وأمر النبي يوسف شيخ اعبيدو وڤالو: املا از ڤايب الرجاله يلين يمتلاو من الطعام ودير فظة كل واحد منهم ففم از ڤيبتو ² ودير ففم از ڤيبة خوهم الصغير كاسي اللي من الفظة واملې فظة ڤمحو. وڤام وعدل ذاللي اطلب منو النبي يوسف. ³ وإلّين عاد انهار من غد ڤيمو الرجاله باحميرهم. ⁴ ولا بعدو عن المدينة حته، يلين ڤال النبي يوسف لشيخ اعبيدو: ادفع اورا الرجاله وإلّين تدارك بيهم ڤولهم: اعلاش اتكافو شي متعدل بشي راخي؟ ⁵ هاذي مالها الكاس اللي يشرب منها الحاكم ويعرف من خلالها لڤزانه؟ انتوما عدلتو ارواية خاسرة. ⁶ وإلّين اتلاحڤ بيهم خاطبهم بهاذا لكلام وڤالولو: ⁷ اعلاش يتكلم شيخنا بهاذا لكلام؟ حاشا لعبيدك يعدلو هاذا النوع من لأمو. ⁸ اراعي الفظة اللي اجبرناها فافام از ڤايينا جبناهالك امعانا من ارض كنعان، ابسيمحالة نسركو الفظة وللا الذهب من دار شيخك؟ ⁹ اللي تجبر عندو الكاس منا يالتو يموت وانهودو نحنا لخرين املې اعبيدك. ¹⁰ وڤال: لاهي انعدلو ذاللي ڤلتو واللي لاهي نجبرها الكاس عندو لاهي يعود عبد لي والباڤين هوما ابرياء. ¹¹ وڤا لكل واحد منهم واڤبظ از ڤيبتو وافتحها واطرحها على التراب. ¹² وابدا ضابط النبي يوسف يلود للكاس فزڤايبهم من از ڤيبة اكبيرهم لزڤيبة اصغيرهم واجبر الكاس فازڤيبة بنيامين. ¹³ وڤامو يزوڤو ويشطو الباسهم بيهم ثقل ذاللي اخلكلهم وارفد كل واحد منهم از ڤيبتو على احمارو ورجعو شور المدينة اللي فيها النبي يوسف. ¹⁴ وادخل يهوذا واخوتو شور دار النبي يوسف وجبروه فم وسجدو ڤدامو. ¹⁵ وڤالهم النبي يوسف: ذي الجريمة اللي عدلتو شنهې؟ انتوما ما تعرفو اعلن راجل كيفتي يڤد يعرف ذاللي اخلك من خلال لڤزانه؟ ¹⁶ وڤال يهوذا: سلاهې انڤولو لشيخنا وابسيمحالة انبرؤا روسنا؟ مولانا اكشف اثم اعبيدك. نحنا

وذاللي انجبر عندو الكاس انعودو اعبيدك.¹⁷ وڤال النبي يوسف: حاشاني
انعدل ذاك! يغير الراجل اللي انجبر عندو الكاس يعود عبد لي وانتوما ڤيمو
شور بواك بالسلامة.¹⁸ وڤرب منو يهوذا وڤال: يا شيخي خلي عبدك ينطق
بكلمة ڤدامك ولا تتفكع اعلى عبدك بيهلي سلطتك متكادة امع سلطة فرعون.
¹⁹ شيخي سول اعبيدو: مندر ايكان عندكم بو ولا خو؟²⁰ وجاوبنا شيخي:
عندنا بو شيباني وول شيخوختو الصغير. مات خوه اشڤيڤو وابڤا هو وحدو
من أمو. وبوه يبغيه.²¹ وڤلت لعبيدك: جيبوهلي اياك انشوفو بعيني.²² وڤلنا
لشيخي: ما يڤد الطفيل يخلي بوه اياك ما يموت بوه يلين يمشي عنو.
²³ وڤلت لعبيدك: يلين ما اتجيبو خوكم مانكم لاهي انشوفو وجهي.
²⁴ وإلّين جينا لعبدك بونا ڤلنالو ذاللي ڤال شيخي.²⁵ وامنين ڤال بونا:
ارجعو واشرونا الطعام،²⁶ ڤلنالو: ما انڤدو نمشو هوك ما فتننا امشينا بخونا
امعانا. بينلي ما انڤدو انڤابلو الراجل وخونا الصغير ماهو امعانا.²⁷ وڤالنا
عبدك بونا: انتوما تعرفو اعلن اعيالي خلاتلي اطفيلين²⁸ ضاع اعلى واحد
منهم وڤلت: هو وڤطع تڤطيع. ولا شفتو يلين ظرك.²⁹ وإلّين تڤبظو ولي
هاذا الصغير واخلكلو شي اتعودو درتوني شيباني امكدر افقبري.³⁰ وإلّين
نرجع شور عبدك بوي اللي متعلقة روهو بالطفيل ويعود الطفيل ماهو امعانا
³¹ ويشوف اعلن الطفيل ماهو امعانا لاهي يموت وانعودو نحنا اعبيدك اكلنا
بونا انعودو درناه شيباني امكدر افقبرو.³² بيهلي عبدك اضمن الطفيل لبوه
وڤلت: يلين ما انجيبولك امعاي انعود اذنبت افحك مدة الحياة.³³ وأنا راجي
من شيخي يڤبطني كيفت عبد لو بل الطفيل ويخلي الطفيل يمشي امع باڤي
اخوتو³⁴ بيلي ايسمحالة انڤد نرجع لبوي والطفيل ماهو امعاي وانشوف ذا
كامل اللي لاهي يخلق لبوي؟

بركة النبي يوسف

النبي يعقوب يجهز اياك يمشي شور مصر

¹ولا يكد النبي يوسف يحكم راصو عن البكي كدام الناس اللي امعاه، وازكا وكمال: وخطو الناس كاملة من هون. ولا ابكا حد امع النبي يوسف فالوقت اللي عرف لختو فيه عن راصو. ²وابكا الفوك وسمعوه المصريين وسمعوه أهل دار فرعون. ³وكمال النبي يوسف لاختو: أنا يوسف! مندر ايكان بوي مزال سالم؟ ولا يكدو اختو يجاوبوه بيهم الخلعة. ⁴وكمال النبي يوسف لاختو: كبرو مني. وكبرو منو وكمال: أنا خوكم يوسف اللي بعته عبد شور مصر. ⁵ولا تتأسفو ظرك ولا تتكدر من اعلنكم بعثوني هون بيهلي مولانا مشاني كدامكم اياك يسلككم حياتكم ⁶بيهلي فاتو مضات سنتين من المجاعة فهاذي لارض ومزالو اخمس سنوات ماهو لاهي يعود فيهم لا حرث ولا حصاد. ⁷ومشاني مولانا كدامكم اياك يعدل منكم اجماعة باكية فلارض ويسلككم ارواحكم بمعجزة عظيمة. ⁸وبالتالي مانكم انتوما اللي مشيتوني هون يغير هو مولانا اللي عدلني مستشار اعلى ارض مصر وشيخ اعلى دار فرعون وحاكم اعلى ارض مصر كاملة. ⁹كومو بالعجلة وارجعو شور بوي وكولولو: ولك يوسف يكلول: أنا عدلني مولانا شيخ اعلى ارض مصر كاملة ، وهاي جاي سافر شوري بالعجلة ولا تبطا، ¹⁰ولاهي اتعود ساكن فارض جاسان اياك اتعود اكريب مني انتا وأولادك وأولادك وأولادك وغنمك وبكرك وذا كامل اللي عندك. ¹¹وانصير اعليك هوك بيهلي المجاعة لاهي اتواصل خمس سنوات اخرات، ولانك لاهي تحتاج لأي اطعام لا انتا ولا عائلتك ولا بهايكم. ¹²واراعيكم انتوما وخوي بنيامين شايفين باعلني أنا هو اللي انخاطبكم. ¹³وعلمو بوي باعلني عت حاكم فارض مصر واخبروه عن اللي شفتو وعجلو بامجبية بوي لهون. ¹⁴وضم النبي يوسف بنيامين وابكاو فبلد. ¹⁵وضم النبي يوسف شورو باكي اختو وابكا امعاهم. وعاكب ذاك حدنهم

اتجرو اخوتو اعلنهم يخاطبوه.
16 واعلم فرعون بالخبر وانكألو اعلن اخوت النبي يوسف جاو وافرح
فرعون هو واعبيدو بهذا الخبر. 17 وكأل فرعون للنبي يوسف: اطلب من
اخوتك اعلنهم يرفدو اعلى دوابهم الطعام ويرجعو لارض كنعان 18 اياك
يجيبو بوهم وأسرهم ويجو لعندي اياك نعطيهم أزين ابلدة عندي فارض
مصر اياك يتمونكو بخيرها. 19 واعطيت السلطة اعلنك اتكولهم يكبظولهم
عربات من ارض مصر اياك يرفدو اعليهم أولادهم واعلياتهم وبوهم ويجو
لهون لعندي. 20 ولا يشطنهم ذاللي لاهي يخلو اوراهم من ادبش ، بيلى
اعطيتهم خيرات مصر كاملين.

21 وعدلو أولاد يعقوب اللي هو إسرائيل ذاللي اطلب منهم فرعون،
واعطاهم النبي يوسف عربات وزاد للطريك. 22 واعطا لكل واحد منهم
الباس وخص بنيامين باثلت مية كطعة من الفضة واخمس لبسات . 23 ومشا
املي لبوه 10 احمير مرفدة من أزين شي فمصر و 10 احمير مرفدة بالكمح
وامبورو وزاد لبوه لسفرو. 24 وبعدين اعطاهم الذن بيمشو وكألهم: لا
تتخاصمو فالطريك.

25 وامشاو من مصر وجاو لبوهم النبي يعقوب اللي هو إسرائيل فارض
كنعان 26 وكألولو: يوسف مزال سالم! وهو حاكم اعلى ارض مصر كاملة.
وبركت اعليه الجتمة ولا صدقهم. 27 وإلين خبروه بذا كامل اللي كألهم
يوسف وشاف لعربات اللي مشاهم اياك يجيبوه شور ارض مصر، فرحت
روحو. 28 وكألهم: أنا كافيني اعلن ولي يوسف مزال سالم! لاهي انكيسو
وانشوفو سابك انموت.

بركة النبي يوسف

النبي يوسف يتلکيا لأهلوا فارض مصر

¹ وأرحل النبي يعقوب اللي هو إسرائيل امع ذاللي عندو من أملاك وإلين وصل لبليدة اسمها بئر السبع كيام واذبح اذبيحة وكدّمها قربان لإله بوه النبي إسحاق. ² وكال مولانا للنبي يعقوب اللي هو إسرائيل فحلم: يعقوب يعقوب. وجاوبو: ارا عيني. ³ وكالو: أنا هو الله إله بوك لا اتخاف من اتكيس ارض مصر لاهي انعدلك أمة عظيمة فم. ⁴ لاهي انتافكك شور مصر ولاهي انرجعك املي لارضك ولاهي يغمظك يوسف عينيك بايديه وقت موتك. ⁵ واما النبي يعقوب من بئر السبع. و كيامو أولادو و دارو بوهم النبي يعقوب وتركتهم واعلياتهم فلعربات اللي مشا فرعون اياك يرفدوهم. ⁶ وكبظو امعاهم اغنمهم وامتعتهم اللي حصلو اعليها فارض كنعان وجاو كاملين لمصر. ⁷ وجاب النبي يعقوب امعاه لمصر أولادو وأولادهم من تركة وطافيلات وذريتو كاملة.

⁸ وهاذو هوما اسامي بني إسرائيل اللي جاو امعاه لمصر، النبي يعقوب وأولادو، رأوبين بكر النبي يعقوب. ⁹ وأولاد رأوبين هوما حنوك وقلو وحصرون وكرمي. ¹⁰ وأولاد شمعون، يموئيل ويامين وأوهد وياكين وصوحر وشاول ول الكنعانية.

¹¹ وأولاد لاوي، جرشون وقهات ومراري. ¹² وأولاد يهوذا، عير وأونان وشيلة وفارص وزارح. وماتو عير وأونان فارض كنعان وأولاد فارص هوما حصرون وحامول. ¹³ وأولاد يساكر، تولاع وفوة ويوب وشمرون. ¹⁴ وأولاد زبلون، سارد وإيلون وياحئيل. ¹⁵ هاذو كاملين أولاد ليئة اللي خلات للنبي يعقوب فواد أرام امع منتو دينة. وكان عدد أولادو وامناتو وأولادهم من ليئة 33.

¹⁶ وأولاد جاد، صفيون وحجي وشوني وأصبون وعيري وأرودي

وأرئيلي. ¹⁷ وأولاد أشير، يمنة ويشوة ويشوي وبريعة وختهم سارح. وأولاد بريعة هوما حابر وملكئيل. ¹⁸ وهادو هوما أولاد زلفة خادم ليئة اللي اعطاها لابان وكان عدد ذريتها اللي خلات للنبي يعقوب 16 آرڤاج. ¹⁹ وأولاد راحيل اعيال النبي يعقوب هوما النبي يوسف وبنيامين. ²⁰ واخلكو للنبي يوسف فارض مصر منسى وأفرايم اللي خلاتهملو أسنات منت فوطيفار ع كاهن فمدينة أون. ²¹ وأولاد بنيامين هوما بالع وباكر وأشبيل وجيرا ونعمان وإيحي وروش ومفيم وحفيم وأرد. ²² هادو هوما ذرية راحيل اللي خلات للنبي يعقوب وعددهم كاملين 14 آرڤاج. ²³ وول دان هو حوشيم. ²⁴ وأولاد نفتالي هوما ياخصيئيل وجوني ويصر وشليم. ²⁵ هادو هوما أولاد النبي يعقوب اللي خلاتلو بلهة خادم راحيل اللي اعطهاها بوها لابان وعددهم كاملين 7 ارواڤيڤ. ²⁶ وكان عدد ارواڤيڤ كاملين اللي خرجو من صلب النبي يعقوب واللي جاو لمصر 66 آرڤاج، من دون حسبة اعليات أولادو. ²⁷ وأولاد يوسف اللي خلكولو فمصر هوما ارڤاجين وبهاذا يعود عدد اجماعة بني إسرائيل اللي فمصر 70 آرڤاج. ²⁸ ومثا النبي يعقوب اللي هو إسرائيل يهوذا ڤدامو شور النبي يوسف اياك ينعتلو الطريك اللي واعدة جاسان. ²⁹ وجهز النبي يوسف مركبتو واركبها اياك يتلڤا لبوه النبي يعقوب اللي هو إسرائيل فجاسان. وإلين وصل لعندو ڤام وضم النبي يوسف وابكا ياسر من الوقت. ³⁰ وڤال النبي يعقوب اللي هو إسرائيل للنبي يوسف: ظرك عت انڤد انموت عاڤب يلين شفت وجهك واعرفت اعلتك مزلت سالم. ³¹ وخاطب النبي يوسف اخوتو ودار بوه وڤالهم: أنا لاهي انڤيس ظرك فرعون اياك انڤولو اعلن اخوتي ودار بوي اللي كانو ساكنين فارض كنعان جاوني. ³² وهوما رعيان للحيوان وشغلتم هي سرحة الحيوان ولهاذا السبب جابو امعاهم اغنمهم وابڤرهم وذا كامل اللي عندهم. ³³ وإلين يدعيكم ويسولكم: انتوما شغلتمك شنهني؟ ³⁴ ڤولولو: شغلتمنا سرحة الحيوان من صغرنا إلى ظرك، نحنا وكيفما كانو اباتنا املي. ڤولولو ذاك اياك يخليكم تسكنو فارض جاسان بيهلي المصريين ما ييغو الرعيان.

بركة النبي يوسف

عائلة النبي يوسف يسكنو فمصر

¹ وادخل النبي يوسف اعلیٰ فرعون وکالو: بوي واخوتي جاو امع اغنمهم واپکرهم وذاللي عندهم کامل من ارض کنعان وارايعهم ظرك فارض جاسان. ² واکبظ 5 من اخوتو وکدمهم لفرعون. ³ وسولهم فرعون: انتوما شغلتمک شنهي؟ وکالولو: اعبيدک يسرحو الحيوان كيفما اباتهم کانو. ⁴ وجينا اياک نسکنو فارض مصر بيهلي حيوان اعبيدک ما عندهم ابليدة يسرحو فيها بسبب متن الجوع فارض کنعان، وطالبينک ظرك اتخلي اعبيدک يسکنو فارض جاسان. ⁵ وکال فرعون للنبي يوسف: بوک واخوتک جاوک. ⁶ وارض مصر کدامک وسکن بوک واخوتک فآزين لارض، خليههم يسکنو فارض جاسان، والى عدت تعرف من فيهم عندو خبرة اعطيه مسؤولية سرحة حيواني. ⁷ وعاکب ذاک کام النبي يوسف وجاب بوه لفرعون و طلب النبي يعقوب مولانا ينزل فيه البركة. ⁸ وسول فرعون النبي يعقوب: انتا عندک کم من سنة؟ ⁹ وجاوب النبي يعقوب فرعون وکالو: آنا عمري 130 سنة وذاک اشوي وكانت حياتي صعبية اعلي ولا فت الحکيت اعمار اباتي. ¹⁰ واطلب النبي يعقوب البركة لفرعون وامشا عنو. ¹¹ وسکن النبي يوسف بوه واخوتو فارض جاسان احذا مدينة رعمسيس واعطاهم آزين أراضيههم كيفما أمر فرعون. ¹² واعطا النبي يوسف لبوه واخوتو وأهل دار بوه الطعام اعلي حسب عدد أولادههم.

¹³ وافرقت الطعام فارض مصر بسبب متن المجاعة وييست ارض مصر وارض کنعان. ¹⁴ واجمع النبي يوسف الفضة كاملة اللي فارض مصر وفارض کنعان بسبب الکمح اللي اشراو منو الناس، وجابها لخزينة فرعون. ¹⁵ والين فرقت الفضة من ارض مصر وکنعان جاو کل المصريين للنبي يوسف وکالولو: اعطينا الطعام. حکلا لا اتخلينا انموتو کدام عينیک؟ نحنا ما

تلات عندنا فظة اخرا اياك نشرو بيها الكمح. ¹⁶ وڤالهم: يلين تفرق فظتكم جيبولي حيوانكم نعطيكم مقابلو الطعام. ¹⁷ وجابولو حيوانهم واعطاهم النبي يوسف الطعام مقابل الخيل ولغنم ولبكر ولحمير. وبهاذي الطريقة بدل حيوانهم كامل مقابل الطعام فذيك السنة. ¹⁸ وإلين اوفات ذيک السنة جاوه السنة الثانية و ڤالولو: مانا لاهي نجحدو اعلى شيخنا اعلن فظتنا فرقت واعلن حيوانا عاد عند شيخنا ولا اتلا عندنا ماهو ابدانا واحرايئنا. ¹⁹ لا اتخلينا انموتو نحنا وارضنا ڤدام عينيك! اشرينا نحنا وارضنا مقابل الطعام: وانعودو نحنا اعبيد لفرعون، وأراضينا لاهي يعودو لو، واعطينا لحبوب نزرعوهم اياك نحياو ولا انموتو ولا يعودو أراضينا يابسين.

²⁰ وبهاذي الطريقة اشرا النبي يوسف لفرعون ارض مصر كاملة بيهلي المصريين كاملين باعو أراضيههم بسبب المجاعة اللي امتانت اعليهم وعادت لارض كاملة لفرعون. ²¹ واستعبد النبي يوسف شعب مصر كامل من بدايتها لآخرها لفرعون. ²² ولا خلا يكون ارض الكهان اللي ما اشراها بيهلي الكهان كان عندهم دخل خاص من عند فرعون وكانو عايشين من هاذو الدخل ولهاذا السبب ما باعو ارضهم.

²³ وڤال النبي يوسف للشعب: اراعيني اشريتكم اليوم انتوما وأراضيهكم وعدتو اعبيد لفرعون. وهاكو لحبوب اياك تحرثوهم فالتراب ²⁴ ويعود فوقت الحصاد اعلنكم تعطو لفرعون الخمس المحصول واتخلولو لروصكم لاربع لآخماس الباڤين اياك اتعود عندهم لحبوب لارضكم والطعام لكم انتوما وأهل دياركم واتركتكم الصغار. ²⁵ وڤالولو: انتا سلكتنا يالتك ترضا اعلينا يا شيخنا وانعودو اعبيد لفرعون. ²⁶ ومن ذاك الوقت إلى يومنا هاذو، اجعل النبي يوسف قانون الخمس وهي ضريبة اعلى ارض مصر كاملة تحصل لفرعون يكون ارض الكهان اللي ماهي تحت ملك فرعون.

²⁷ وسكنو بني إسرائيل فمصر فارض جاسان وجمعو فيها ياسر من الملاك و كبرو فيها واكثرارو يلين عاد عددهم اكبير. ²⁸ وعاش النبي يعقوب فارض مصر 17 سنة وعاد عمرو 147 سنة. ²⁹ وإلين ڤرب من الموت عيط لولو النبي يوسف وڤالو: يلين اتعود تسمعلي ڤوم ودير ايديك تحت ڤايمتي واتعهدلي اعلنك لاهي اتعدل ذاللي لاهي نطلب منك بنزاهة وكرامة: وغايتي

هي: اعلنك ما تدفني فارض مصر يلين انموت.³⁰ يلين انموت اندورك
ترفدني من مصر وتدفني فمقبرة اباتي. وچالو النبي يوسف: اندور انعدل
كيفما اطلبت مني.³¹ وچالو النبي يعقوب: احلفلي. واحلفلو النبي يوسف.
واسجد النبي يعقوب اعلى راس متكاه اياك يشكر مولانا.

بركة النبي يوسف

النبي يعقوب يطلب البركة للنبي يوسف وأولادو

¹ وعاكب فترة انكال للنبي يوسف: بوك ماهو امصح. وكاسو النبي يوسف وامعاه أولادو منسى وأفرايم. ² وانكال للنبي يعقوب: اراعي ولك جاك. واستجمع قوتو وكام واكعد اعلى متكاه. ³ وكال النبي يعقوب للنبي يوسف: أنا اظهرلي مولانا القادر فالوقت اللي كنت فيه فلوز فارض كنعان وباركني ⁴ وكالي: اندور انعذلك مثمر وانكثر أولادك ولاهي يجي نسلك شعوب ياسرين ونعطي لذريتك هاذي لارض إلى الأبد. ⁵ وظرك أولادك منسى وأفرايم اللي اجبرتهم فمصر سابك انجيك، عادو أولادي ويورثوني كيفما يورثني رأوبين وشمعون. ⁶ وأولادك اللي لاهي يخلطوك عاكبهم ذاللي لاهي يورثو لاهي يعود تحت اسم اخوتهم منسى وأفرايم. ⁷ وأنا يلين كنت راجع من سهل أرام اتوفات اعليّ راحيل فالطريك فارض كنعان اكريب من أفراتة ودفنتها فالطريك اللي واعدة أفراتة اللي هي بيت لحم.

⁸ وشاف النبي يعقوب اللي هو إسرائيل أولاد النبي يوسف وسولو: منهمو هاذو؟ ⁹ وكالو النبي يوسف: هاذو هوما أولادي اللي ارزقني بيهم مولانا هون. وكال النبي يعقوب: كريبهم مني اياك نطلبهم من مولانا البركة.

¹⁰ وكانو عينين النبي يعقوب اللي هو إسرائيل اضعاف وشوفتو ما كانت زينة وكرب النبي يوسف أولادو من النبي يعقوب وحبهم وضمهم. ¹¹ وكال النبي يعقوب اللي هو إسرائيل للنبي يوسف: ما كنت شك اعلمي لاهي انشوف وجهك مرة ثانية واراعي مولانا نعتلي أولادك. ¹² وعاكب ذاك، بعد النبي يوسف التركة عن النبي يعقوب واسجد كدامو. ¹³ واكرد النبي يوسف أفرايم بايدو العربية ووكفو احذا زر النبي يعقوب العسري واكرد منسى بايدو العسرية ووكفو احذا زر النبي يعقوب العربي. ¹⁴ ومد النبي إسرائيل ايدو العربية عن قصد ودارها اعلى راس أفرايم وهو الصغير، وايدو

العسرية اعلى راس منسى امع اعلنو هو البكر.
15 واطلب النبي يعقوب البركة للنبي يوسف وچال: مولانا اللي عبدوه اباتي
النبي إبراهيم والنبي إسحاق، مولانا اللي ارعاني من اخلاقتي يلين اليوم،
16 الملاك اللي سلكني من كل أنواع شر، طالبو ينزل البركة فهاذو التركة
ومن خلالهم يكبر اسمي واسم اباتي النبي إبراهيم والنبي إسحاق. ويكثرو
حته فلارض.

17 وإلین شاف النبي يوسف اعلن بوه دار ايدو العربية اعلى أفرايم ما ازيان
ذاك عندو واحكم ايد بوه اياك يحولها من راس أفرايم شور راس منسى.
18 وچال النبي يوسف لبوه: ذاك ما يصح يا بوي هاذا هو البكر. دير ايدك
العربية اعلى راسو. 19 وأبا النبي يعقوب وچال: أنا عارف هاذا يا ولي أنا
عارف هاذا. وهو املي لاهي يعود أمة اكبيرة يغير خوه الصغير لاهي يعود
أعظم منو وذريتو ياسر من الأمم. 20 واطلبلهم البركة فذاك انهار وچال: بني
إسرائيل لاهي يستعملو اسمكم فالبركة چايلين: يعدلك مولانا كيفت أفرايم
وكيفت منسى. وبهاذي الطريقة چدم أفرايم اعلى منسى.
21 وعاكب ذاك چال النبي يعقوب اللي هو إسرائيل للنبي يوسف: أنا چربت
من الموت، يغير مولانا لاهي يعود امعكم ويرجعكم شور ارض اباتكم.
22 وبما اعلنك فوك اخوتك، أنا عاطيك ارض شكيم فكنعان اللي اچبظتها من
الأوريين بسيفي وقوسي.

بركة النبي يوسف

النبي يعقوب يطلب البركة لأولادو سابق وفاتو

¹ وعيط النبي يعقوب لأولادو وڤال: وهاو اجتمعو انتوما كاملين احداي اياك انباكم بذاللي لاهي يخلڤلكم فالمستقبل.

² اجتمعو اعلي واسمعو يا أولاد يعقوب واصنتو لبوكم إسرائيل،

³ رأوبين انتا هو ولي لكبير وقوتي

وأول ثمرة رجولتي

انتا فضل الكرامة والقوة

⁴ يغير انتا تتحرك كيفت السيل

اتدور تفرق بيكلي عاشرت خادم بوك

ونسست افراشي يلين اتكيت اعليه

⁵ شمعون ولاوي اخوت

اسيوفهم هوما ادوات العنف

⁶ ومجلسهم ما ندخلو

ولا نرتاح فاجماعتهم

بيهلي كط كتلو راجل يلين انفكو عو

واڤطعو اعراڤيب ثيران وقت لعبهم

⁷ ملعونة افڤايعهم

بيهلي امتينة وغضبهم ما يرحم

لاهي انفركهم امبين قبائل أولاد يعقوب

ولاهي انشتتهم فارض إسرائيل

⁸ أما انتا يهوذا لاهي يشكروك اخوتك

ولا هي تغلب أعدائك ويسجدوا لك أولاد بوك
9يهوذا انتا ول اسبع امتين راجع من تصياد فريستك
ابركت كيف اسبع وللا لبة من يكد يكيماك؟
10من يهوذا يجو ملوك

ومن يهوذا يعودو حكام
يلين يجي الملك اللي عندو الحق فالحكم
ويخضعولو الأمم.

11يدرك يهوذا فصدراية العنب احمارو
وفافضل اعراشها ول احمارو
ويغسل الباسو بعصير العنب

بيه كثرة العنب فحريثتو
12عينيه لاهي يعودو يتباركو كيف عصير العنب لاحمر

وسنيه امتان كيف لحديد لاحمر
13ولا هي يسكن زبلون عند حاشية لبحر
ولا هي يعود بل امنين يوكفو السفن
وحدود ارضو

لا هي تلحك صيدون .

14ويساكر كيف احمار امتين راكد مستراح امبين نارين

يبغي الراحة ويبغي الكسل

15وشاف لارض زينة

ودنكس كتفو اياك يرفد شي وعاد عبد

16ودان لاهي بالعدالة يدين شعبو

كيفت قبائل إسرائيل لخرين

17ودان لاهي يعود كيف احنش اعلى زر الطريق

وكيف لفعة سامة احذا الباب

اتعظ اعراكيب لفرس

ويطيح لبجاوي اعلى لورا

¹⁸آنا انحاني خلاصك يا الله تعالى.

¹⁹أما جاد لاهي يغزوه لغزاة
وهو يرجعهم بل امنين جايين

²⁰أما أشير اطعامو امدسم
يثير شهية الملوك

²¹ونفتالي هو اغزاة شاردة
اتكول لكلام الزين

²²ويوسف هو عرش مثمر، عرش اعلى ظاية الما
واعراشو طالعين امع الحيط واتخطاوه
²³وأعدائو لاهي اظهرولو كراهيتهم
وزراكة لاهي يرموه بالنشاشيب
²⁴يغير قوس يوسف لاهي ابكات ثابتة
وذرعنو لاهي ابكاو امتان
بقدره إله يعقوب

الراعي اللي حافظ إسرائيل.

²⁵بإله بوك اللي لاهي ينصرك

بمولانا القادر اللي لاهي يباركك

بركة السما من فوق وبركة لارض من تحت

وبركة كثرة لأولاد والحيوان

²⁶بركات بوك يتفوقو اعلى بركات لكدا لأزلية

واكثر من خير الزيرات لأبدية

يجو البركات اعلى راس يوسف

واعلى جبهة لأمير امبين اخوتو

²⁷وبنيامين هو ذيب مفترس يوكل فريستو امع الصباح
وامع اطيح الشمس يكسم ذاللي باكي
²⁸هاذو هو ما كاملين أولاد النبي يعقوب اللي هو إسرائيل اللي عددهم 12،
وهاذا هو ذاللي اتنبأ لهم بيه بوهم النبي يعقوب وقت اطلب لكل واحد منهم
بركة خاصة بيه من مولانا. ²⁹ووصاهم وكالهم: أنا عدت لاهي انموت .
والين انموت ادفنوني امع اباتي فالمغارة اللي فحرت عفرون الحيثي
³⁰فالمكفيلة اللي كدام ممرا فارض كنعان اللي كط اشراها النبي إبراهيم امع
الحرث من عفرون الحيثي اياك اتعود مدفن لو. ³¹وفم اندفنو النبي إبراهيم
وسارة اعيالو، وفم اندفنو النبي إسحاق واعيالو رفقة واندفنت املي ليئة.
³²وانشراو الحرث والمغارة اللي فيه من عند الحيثيين. ³³والين اوفو النبي
يعقوب وصيتو لولادو، اكرف كرعيه اعلى المتكا والفظ انفاسو لأخيرة
وانضم شور اباتو.

بركة النبي يوسف

النبي يوسف يدفن بوه النبي يعقوب

نهاية حياة النبي يوسف

¹ وندكس النبي يوسف اعلی بوه وابكا اعلیه وضمو شورو. ² واطلب النبي يوسف من أطباء الخاصين اعلنهم يحنطو بوه. وحنطو لأطباء النبي إسرائيل. ³ واعطوا 40 يوم يحنطوه وابكاو اعلیه المصريين مدة 70 يوم. ⁴ وإلین اوفات فترة التعزية اتكلم النبي يوسف امع أهل دار فرعون وکال: یلین اتعودو تبغوني وراضیین اعلی، اندورکم تتکلمو امع فرعون واتکولولو: ⁵ أنا بوی حلفني وکالي: أنا عدت لاهی انموت واندورك تدفني فلقبر اللي احفرت لنفسی فارض کنعان. وظرك طالبك اعلنك اتخليني نمشي اياك ندفن بوی وعاکب ذاک لاهی نرجعلک. ⁶ وکالو فرعون: کوم وامشي وادفن بوک اللي استحلفک. ⁷ وامشا النبي يوسف اياک يدفن بوه وامشاو امعاه ضباط فرعون والوجهاء کاملین اللي فارض مصر. ⁸ وامشاو املي أهل دار النبي يوسف کاملین و أهل النبي يعقوب کاملین، ولا خلاو اوراهم فارض جاسان ماهو التركة ولعلیات و حیوانهم. ⁹ وامشاو امع النبي يوسف مرکبات وفرسان وکانو اجماعة اکبيرة.

¹⁰ وإلین لحکو حرث أطاد اللي اعلی الزر الشرقي من نهر الأردن، کامو ییکو فم اعلی النبي يعقوب وخلاهم النبي يوسف ییکو لمدة 7 أيام. ¹¹ وامنین شافو الکنعانیین اللي ساکنین فذیک لبلیدة، المصريين ییکو فحرث أطاد کالو: المصريين ییکو بکی امتین. وسماو ذیک لبلیدة أبل مصراییم (اللي معناها بکی المصریین) وهي فشرق نهر الأردن.

¹² وبهاذي الطریقة عدلو أولاد النبي يعقوب ذاللي وصاهم بیه بوههم ¹³ ورفدوه شور ارض کنعان ودفنوه فالحرث اللي فالمکفيلة اللي اکریب من ممرا، وهو الحرث اللي اشراه النبي إبراهیم من عفرون الحیثي اياک یعود

مقبرة.¹⁴ و عاكب يلين ادفن بوه، رجعو شور مصر النبي يوسف و اخوتو
والناس كاملة اللي جات امعاهم اياك يدفنو بوههم.
¹⁵وحسو اخوت النبي يوسف بالخوف بيهلي بوهم مات و كپالو امبيناتهم:
يكد يوسف ينتقم منا اعلی ذاللي عدلنالو.¹⁶ و كپامو و مشاو رسالة للنبي
يوسف اتكول: وصانا بوك سابك يموت و كپالنا: ¹⁷كولو ليوسف: اخوتك
عدلوك شي خاسر حته يغير طالب منك اتسامحهم اعلی جريمتهم و ذنبهم.
وظرك نحنا طالبين منك اعلنك تسمحلنا جريمة ذاللي عدلنا نحنا اعبيد إله
بوك. وابكا النبي يوسف بسبب رسالتهم.¹⁸ و كپاسوه اخوتو وسجدو كدامو
و كپالو: نحنا اراعيانا عدنا اعبيد لك.¹⁹ يغير النبي يوسف كپالهم: لا اتخافو!
مندرا يكاني أنا مولانا اياك انحاكمكم اعلی اذنوبكم؟ ²⁰انتوما انويتو بي الشر
يغير مولانا انوا بي الخير، واقصد مولانا اعلنو يحقق هاذي النتيجة، اعلنو
يخلي ياسر من الناس يحياو.²¹ ولا اتخافو، وأنا لاهي انعيلكم وانصير اعلی
أولادكم. وبهاذي الطريقة ریح اكلوبتهم.

²²وابكا النبي يوسف هو و أهل بوه فمصر وعاش النبي يوسف 110
سنوات.²³ وعاش النبي يوسف وشاف أولاد أفرام واحفادو. وهو شاف املي
أولاد ماكير ول منسى. وانتسبو أولاد ماكير للنبي يوسف.²⁴ و كپال النبي
يوسف ل اخوتو: أنا عدت لاهي انموت يغير مولانا امعاكم ولاهي يهتم بيكم
ولاهي يوظكم من هاذي لارض شور لارض اللي اتعهد بيها للنبي إبراهيم
والنبي إسحاق والنبي يعقوب.²⁵ وحلف النبي يوسف أولاد إسرائيل و كپالهم:
يلين يوظكم مولانا من هاذي لارض ارفدو اعظامي من هون.²⁶ و عاكب
ذاك مات النبي يوسف وهو عمرو 110 سنوات. وحنظوه وداروه فتابوت
فمصر.